



## Themau - Themes

Basai - *Would*

## Patrymau Iaith - Language patterns

Mae 'basai' yn perthyn i'r ferf 'bod'.

*Basai ( would) comes from the verb 'bod'*

Baswn i	<i>I would / I would be</i>
Baset ti	<i>You would</i>
Basai hi/fe/ y plant	<i>She / he / the children would</i>
Basen ni	<i>We would</i>
Basech chi	<i>You would</i>
Basen nhw	<i>They would</i>

Taswn i	<i>If I were to</i>
Taset ti	<i>If you were to</i>
Tasai hi/fe/ y plant	<i>If she / he / the children were to</i>
Tasen ni	<i>If we were to</i>
Tasech chi	<i>If you were to</i>
Tasen nhw	<i>If they were to</i>

Mae'r ffurf 'taswn' yn cynnwys y gair 'if'.

*'If' is included in the form 'taswn'.*

Taswn i'n ennill *If I won*  
 Basai'r rheolwraig yn hapus i siarad â chi tasai hi yma.  
*The manager would be happy to speak to you if she were here.*

## Esiamplau ychwanegol - Extra examples

Mae angen defnyddio 'yn' fel gyda ffurfiau eraill 'bod'

*'Yn' is needed as with other forms of 'bod'*

Baswn i'n hapus i'ch helpu chi. *I would be happy to help you.*

Mae treigladd meddal i'r negyddol a'r cwestiwn.

*There is a soft mutation with the negative and question form.*

Negyddol - *negative*

Faswn i ddim yn cwyno fel arfer. *I wouldn't complain normally.*

Cwestiwn - *question* -

Fasech chi'n hoffi prynu batris nawr? *Would you like to buy batteries now?*

Ateb cwestiwn - *answering questions*

Fasech chi'n fodlon dangos y dortsh i fi?

Baswn / Na faswn

Basai'n well gyda fi siarad â'r rheolwr.  
*I would prefer to talk to the manager.*

## Tasgau - Tasks

### Tasg sain / *Audio task*

Atebwch y cwestiynau hyn .  
*Answer these questions.*

Pwy fasai Mr Morgan yn hoffi ei weld?  
Beth brynodd e yn y siop?  
Beth yw'r broblem?  
Pam mae e'n cwyno?  
Pam dyw'r dortsh ddim yn gweithio?  
Pam mae e'n ymddiheuro?

### Tasg fideo / *Video task*

Llenwch y bylchau.  
*Fill the gaps.*

Tasai Arwyn yn ennill y loteri....

basai fe'n \_\_\_\_\_ peint i James

\_\_\_\_\_ fe'n prynu Lamborghini

\_\_\_\_\_ fe ddim yn prynu tŷ yng Nghaerdydd

\_\_\_\_\_ fe'n yfed champagne

\_\_\_\_\_ 'r cariad ddim yn gwneud y gwaith tŷ

basai \_\_\_\_\_ yn edrych ar ôl y plant

\_\_\_\_\_ nhw'n cael y dillad a'r teganau druta

basai'r \_\_\_\_\_ yn mynd yn gyflym iawn

## Sgript Sain - Audio Script

- Mr Morgan:** Baswn i'n hoffi gweld y rheolwr os gwelwch yn dda.
- Alun:** Mae'n ddrwg gyda fi, ond dyw'r rheolwraig ddim yma heddiw. Beth yw'r broblem.....Mr?.....
- Mr Morgan:** Mr Morgan.
- Alun:** Baswn i'n hapus i'ch helpu chi. Beth yw'r broblem?
- Mr Morgan:** Basai'n well gyda fi siarad â'r rheolwraig.
- Alun:** Wel! Dw'n siŵr basai'r rheolwraig yn hapus i siarad â chi tasai hi yma, ond dyw hi ddim yma heddiw.
- Mr Morgan:** O wel...prynais i'r dortsh yma yn eich siop chi ddoe ond dyw hi ddim yn gweithio!
- Alun:** O diar.
- Mr Morgan:** Baswn i'n hapus tasech chi'n edrych arni hi.
- Alun:** Wrth gwrs Mr Morgan.
- Mr Morgan:** Dyma hi. Faswn i ddim yn cwyno fel arfer, ond roedd hi'n dortsh ddrud iawn.
- Alun:** Os oes problem gyda'r dortsh Mr Morgan basen ni'n hapus i roi dortsh newydd i chi... ond...arhoswch funud
- Mr Morgan:** Beth sy'n bod?
- Alun:** Wel, tasech chi wedi rhoi batri yn y dortsh basai'r dortsh yn gweithio!
- Mr Morgan:** O diar!
- Alun:** Peidiwch â phoeni Mr Morgan. Fasech chi'n hoffi prynu batris nawr?
- Mr Morgan:** Baswn wrth gwrs, a baswn i'n hoffi ymddiheuro am fod mor dwp!

## Geirfa

rheolwr(aig) - *manager (female)*  
edrych arni hi - *(to) look at it*  
dangos - *(to) show*  
cwyno - *(to) complain*  
drud - *expensive*  
ymddiheuro - *(to) apologise*

## Sgript Fideo - Video Script

**Arwyn:** Wel, dw i'n teimlo'n lwcus heno.

**James:** Wyt ti wir?

**Arwyn:** Ydw. Dw i wedi prynu dau docyn i'r loteri! Mae'r jacpot yn chwe miliwn.

**James:** Beth faset ti'n wneud gyda chwe miliwn o bunnoedd?

**Arwyn:** Taswn i'n ennill chwe miliwn o bunnoedd ...baswn i'n prynu peint i ti.

**James:** O diolch.

**Arwyn:** Dim ond un cofia. Yna baswn i'n prynu car. Lamborghini coch...

**James:** Faset ti ddim yn gallu parcio Lamborghini ar dy stryd di. Basai fe'n cael ei ddwyn!

**Arwyn:** O, faswn i ddim yn aros yn fanna. Baswn i'n symud tŷ.

**James:** O ie. I ble?

**Arwyn:** Baswn i'n prynu tŷ crand ...

**James:** Yng Nghaerdydd?

**Arwyn:** Nage. Ym Monte Carlo.

**James:** Faset ti ddim yn gallu cael Guinness ym Monte Carlo.

**Arwyn:** Dim ots. Baswn i'n yfed champagne!

**James:** Baset ti'n unig heb dy bartner yfed ym Monte Carlo.

**Arwyn:** O na faswn. Baswn i'n ffeindio model brydferth fel cariad i fi.

**James:** Hi fasai'n gwneud y gwaith tŷ?

**Arwyn:** O na. Fasai hi ddim yn gwneud hynny. Baswn i'n cael morwyn i lanhau'r tŷ...

**James:** A basech chi'n cael nani o Gymru i edrych ar ôl y plant...

**Arwyn:** Y plant?

**James:** Basen nhw eisiau'r dillad druta a'r teganau druta fel eu ffrindiau ym Monte Carlo a basai'r cariad eisiau deiamwnt drud ar ei bys.

**Arwyn:** Basai'r arian yn mynd yn gyflym iawn!

**James:** O basai!

**Teledu:** A rhifau'r loteri heno yw ... wyth, undeg naw, dau ddeg un, dau ddeg pedwar, tri deg tri a phedwar deg naw.

Arwyn: Dim un rhif!

James: A dy rownd di yw hi nesa!

Arwyn: O gret.

James: Anlwcus!

## Geirfa

teimlo - *(to) feel*

cael ei ddwyn - *(to) be stolen*

prydfferth - *beautiful*

morwyn - *maid*

teganau - *toys*

druta - *most expensive*

deiamwnt - *diamond*

bys - *finger*

## Atebion - Answers

### Tasg sain / Audio task

Pwy fasai Mr Morgan yn hoffi ei weld? Basai Mr Morgan yn hoffi gweld y rheolwraig.

Beth brynodd e yn y siop? Prynodd e dortsh.

Beth yw'r broblem? Dyw'r dortsh ddim yn gweithio.

Pam mae e'n cwyno y tro yma? Roedd y dortsh yn ddrud.

Pam dyw'r dortsh ddim yn gweithio? Does dim batri yn y dortsh.

Pam mae e'n ymddiheuro? Am fod mor dwp.

### Tasg fideo / Video task

Tasai Arwyn yn ennill y loteri....

basai fe'n prynu peint i James

basai fe'n prynu Lamborghini

fasai fe ddim yn prynu tŷ yng Nghaerdydd

basai fe'n yfed champagne

fasai'r cariad ddim yn gwneud y gwaith tŷ

basai nani yn edrych ar ôl y plant

basen nhw'n cael y dillad a'r teganau druta

basai'r arian yn mynd yn gyflym iawn